



## EQIKKAANEQ

### **Nunani allamiut pillugit inatsimmik allanngueq pillugu inatsisinik assigiinngitsunik aamma Schengenimi isumaqatigiissutip Danmarkimit ilannguffigineqarnera pillugu inatsimmik allanngueq pillugu inatsisinik assigiinngitsunik Kalaallit Nunaannut atuutilersitsineq pillugu peqqussut pillugu missingiut**

Nunani allamiut pillugit inatsit peqqussutikkut nr. 150, 23. februar 2001-imeersukkt, Kalaallit Nunaanni pissutsit apeqqutaallutik allannguutitalerlugu Kalaallit Nunaannut atuutilersinneqarpoq. Soorlu pineqartut arlallit akornanni ataatsimik, nunani allamiut pillugit inatsimmik inaarnermi, Kalaallit Nunaat eqqarsaatigalugu, ilaatigut, tamakku Schengenimik malittarisassat attuumassuteqartut, qallunaat eqqartuussiveqarneranni inaarneqarsimasut, 2001-imi Schengenimik suliassanik sulinermi Danmark-ip peqataalernissaa sioqqullugu, Kalaallit Nunaanni atuutilersinneqarnissaannik, qulakkeerisoqarpoq. Nunani allamiut pillugit inatsit) Danmark-i eqqarsaatigalugu, 2001-ip kingorna, amerlasooriaqaluni allannngortinneqarsimavoq, kisianni allannguutit Kalaallit Nunaat eqqarsaatigalugu naammassineqarsimanani.

Ukiuni kingullerni, Schengenimi suleqatiginnermut aamma killeqarfinnik nakkutilliinnermut EU-milu killeqarfiit akimorlugit pinerlunniarnernik akiuiniarnermik tapersiinnermut, EU-mi peqqussutinik arlalinnik atorussannngortitsisoqarpoq. Tamatumani pingaarnertut tulluuttut pineqarput:

- ETIAS-imik peqqussut (EU) 2018/1240; ETIAS isumaqarpoq (European Travel Information and Authorisation System) Europami Angalaneq pillugu Paasisutissat aamma Akuersissuteqartarneq pillugu Aaqqissuussaq, tassaallunilu nunat peqatigiit avataanni innuttaasut, visumimik peqqaartariaqanngitsut, Schengenimi nunat killeqarfiinut avallernut tikitsinnatik pigisariaqagaat angalasinnaanermut akuersissut.
- EES-imik peqqussut (EU) 2017/2226; EES isumaqarpoq (Entry/Exit System) Naalagaaffimmut isermermi/Aninermi Aaqqissuussaq, tassaallunilu, killeqarfinnik avallernik nakkutilliinerup pitsaassusiata naammassisaqarluarsinnaanerullu pitsanngorsarnissaa siunertaralugu, maannamut assammik nammineerullugu pasimut naqiterisarnermiit, naalagaaffimmut isermermi aamma aninermi toqqaannartumik qarasaasiakkut nalunaarsuinnermut taarsiineq.
- SIS-imik nunamut aggerfigisamut utertitsinnermut peqqussut (tilbagesendelsesforordningen) (EU) 2018/1860, SIS-imik killeqarfinnik aqutsinnermut peqqussut (grænseforvaltningsforordningen) (EU) 2018/1861 og SIS-imik inatsisinik atuutsitsinnermut peqqussut (retshåndhævelsesforordningen) (EU) 2018/1862; SIS-imik (Schengen-

imi paasissutissanik aaqqissuussamik) naammassiuminarsaanissaq aammalu atuineramik annertusaanissaq, taamaalillunilu isumannaallisaanermik- aammalu nunasiortortoqarneranik unamminiagassat suliarisinnaanissaannut periarfissanik pitsangorsaanissaq SIS-imik peqqussutitut siunertaavoq.

Peqqussutininik sukumiinerusumik misissuinissamat, ilanngussanut 1a-miit 1c-mut innersuussisoqarpoq.

Nr. L 185, 4. marts 2021-imeersoq inatsisissatut siunnersuut, (Angalanissamat paasissutissat aamma angalasinnaanermut akuersissut (ETIAS) pillugit, europa-mi aaqqissuussamik pilersitsineq pillugu peqqussummik, naalagaaffimmuut angalalluni isernermi aamma aninermi aaqqissuussamik (EES-imik) pilersitsineq pillugu peqqussummik, kiisalu, naalagaaffimmuut angalalluni isernermik aamma aninermik nakkutilliinermut susasaqarfimmi, kiisalu politiini suleqatigiinneq aamma pinerluutillillu suliarineqartarnerannik suleqatigiinneq aamma nunat peqatigiit avataanniittuni nunani innuttaasunik unioqquitsillutik najugaqarallartunik utertitsilluni aallartitsinermut il.il. atatillugu SIS-imik atuineq pillugu Schengenimi paasissutissanik aaqqissuussamik (SIS-imik) pilersitsineq, ingerlatsineq aamma atuineq pillugu peqqussutininik, inaarinerit) naapertorlugu, Nunani allamiut pillugit inatsimmik aamma Schengenimi isumaqatigiissutip Danmarkimit ilannguffigineqarnera pillugu inatsimmik allannguinerit pillugit inatsisikkut nr. 721, 27. april 2021-imeersukkut, peqqussutit malitsigisaannik, nunani allamiut pillugit inatsimmi aamma Schengenimi isumaqatigiissutip Danmarkimit ilannguffigineqarnera pillugu inatsimmi allannguutit pisariaqartut inaarneqarput. Inatsimmi § 4 naapertorlugu inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut, Savalimmiuni aamma Kalaallit Nunaanni pissutsit apeqqutaatillugit allannguutitalerlugu Savalimmiunut aamma Kalaallit Nunaannut tamakkiisumik imaluunniit ilaannakortumik atuutilersinneqarsinnaalluni.

Savalimmiunit, Kalaallit Nunaannit aamma qallunaat oqartussaasuinit attuumassutilinnit peqataaffigineqartumik, Savalimmiuni aamma Kalaallit Nunaanni pissutsit apeqqutaatillugit Danmarkimi Schengenimi inatsisitigut pituttuisumik atortussanngortitanik allattukkanik assingusumik inaarinermit naleqqiullugit allannguutininik suussusersuineramik suliaqartussamik, suleqatigiissitamik pilersitsisoqarpoq. Tamatumunnga atatillugu suleqatigiissitap siullertut suliassarivaa, Schengenimi peqqussutit allattukkat aamma Savalimmiuni aamma Kalaallit Nunaanni pissutsit apeqqutaatillugit Savalimmiunut aamma Kalaallit Nunaannut atuutilersinneqartumut nunani allamiut pillugit inatsimmut allannguutissanut siunnersuutininik suliaqassalluni. Suleqatigiissitap aappaattut suliassarivaa allatulli Schengenimi pisussaaffiit malillugit aamma killeqarfimmik nakkutilliinerup sunnuteqarluartup ingerlaannarnissaanik isumannaarinissaq siunertaralugu, Savalimmiunut aamma Kalaallit Nunaannut atuutilersinneqartumut, nunani allamiut pillugit inatsimmut nutarterutissatut siunnersuutininik suliaqassalluni.

Peqqussutit allannguutaannut missingiummik saqqumisumik, nunani allamiut pillugit inatsimmut peqqussummik nutarterinissamut pisariaqartitsineq pillugu, suleqatigiissitap isumaliutersuutai malitseqartinneqarput. Tamatumunnga atatillugu, Savalimmiut kalaallillu killeqarfiini avallerni, nakkutiginninnerup aamma alapernaarsuinerup sunniteqarluartup ingerlaannarnissaanik isumannaarinissaq siunertaralugu, ETIAS-imik, EES-imik aamma SIS-imik peqqussutit, Savalimmiuni aamma Kalaallit Nunaanni inaarsarneqassasut, suleqatigiissitaq nalilivoq. Erseqqissaatigineqassaaq, tamatuma saniatigut, Kalaallit Nunaannut atuuttumi nunani allamiut pillugit inatsimmiittut pisinnaatitsissutit malillugit, nalunaarutitigut malittarisassanik atuutilersitsinissamik pisariaqartitsisoqarmat.

Danmarkimi peqqussutinik inaarinnermut pingaarnertigut assingusumik, Savalimmiunut aamma Kalaallit Nunaannut ETIAS-imik, EES-imik aamma SIS-imik peqqussutinik inaarinnissaq, missingiummik innersuussutaavoq. Tamatumunnga atatillugu, savalimmiuni, kalaallini aamma qallunaani oqartussaasut attuumassuteqartut, peqqussutinik atuutilersitsiortornermik suliaqarneq pillugu isumaliutersuutitut atatillugu, Savalimmiuni Kalaallit Nunaannilu pissutsit apeqqutaatillugit, atuutilersitsinermik suliaqarnermi immikkut ittunik aaqqiinermik pisariaqartitsinerup suussusersinissaa immikkut eqqumaffigisariaqaraat erseqqissaatigineqassaaq.

Ilanngullugu suliaasaqarfiup tamatuma iluani qallunaat inatsiseqarneranni allannguineranut assingusumik, soorlu 2001-imili pereersoq, Schengenimi malittarisassanik nutarterinissaq, missingiummik innersuussutaavoq. Tamakku allannguutit pisariaqartut, kingusinnerusukkut allannguutit ilanngullugit, inuit killeqarfinnik aqusaarsisarnerannut ataatsimoorussamik inatsiseqatigiinnermik (Schengenimi killeqarfinnut inatsiseqatigiissummik (Schengengrænsekodeks-imik)) atuutilersitsineq pillugu peqqussut (EU) 2016/399 malillugu, qallunaat nunani allamiut pillugit inatsisaanni inaarneqareersut, Savalimmiunut aamma Kalaallit Nunaannut atuutilersinneqartumi nunani allamiut pillugit inatsimmi inaarneqassasut, tamatuma nassataraa. Tamatuma saniatigut, visuminut ataatsimoorussamik inatsiseqatigiinneq (visumkodeks) pillugu Europa-Parlamentip aamma Rådip peqqussutaanni (EF) 2009/810-mi aamma visumit pillugit paasissutissanut aqqissuussaq (VIS) pillugu Europa-Parlamentip aamma Rådip peqqussutaanni (EF) 2008/767-imi aamma sivikitsumik najugaqarallarnissamut visat (visumit) pillugit nunat ilaasortaasut akunnerminni paasissutissanik avitseqatigiittarnerat kingusinnerusukkut allannguutit ilanngullugit, aalajangersakkat, Kalaallit Nunaanni inaarsarneqassasut, Kalaallit Nunaat eqqarsaatigalugu missingiummik aalajangersarneqarpoq. Tamatumunnga atatillugu, najugaqarallarsinnaanermut akuersissutinut inatsiseqatigiinneq (visumkodeks-i) aamma Visuminut paasissutissanut aqqissuussamut peqqussut (VIS-forordning-i) Savalimmiut eqqarsaatigalugit 2013-imi

inaarneqartoq, assingusumik Kalaallit Nunaannut atuuttumik nunani allamiut pillugit inatsimmik allannguutissatut peqqussummut 2013-imeersumi missingiummi ilaatinneqartoq, taamaattorli naammassillugu suliarineqarnerisq ersinngimmat, erseqqissaatigineqarpoq.

Ilanngussat 1d-miit 1f-imut innersuussutigineqarput.

Allatigut Kalaallit Nunaannut tunngasunik Schengenimi suleqatigiinneq pillugu aamma nunani avannarlerni pasunionimut attaveqarneq pillugu, ilanngussamat 1-imut innersuussisoqarpoq.

Kalaallit Nunaanni Naalakkersuisut, matumunnga ilassutitut, ukiut arlallit ingerlanerini suliassaqaqfinni allani arlalinni Kalaallit Nunaannut atuuttup nunani allamiut pillugit inatsisip nutarterneqarnissaanik pisariaqartitsineq tikkuartortarsimavaat.

Tamanna tunuliaqutaralugu, peqqussummut allannguutissanut missingiut, nunani allamiut naalagaaffimmut angalallutik isernissaannik aamma najugaqarallarnissaanik nakkutilliinissamat, aamma umioqqutitsisumik nunasisunik aamma killeqaqfinnik akimuillutik pinerlunnianik akiuiniarnermut, susassaqaqfinni pingaarutilinni aamma annertuumik aalajangiisuusuni, nunami allamiut pillugit inatsisinut nutarterinissaq pillugu siunnersuummik aamma imaqarpoq. Siunnersuutip ilaanik tamatumunnga, sammisat eqqarsaatigalugit isumannaallisaanermik ukkatarinninnermik aamma pinerlunniarnermik pitsaaliunermik EU-mi peqqussutit allassimasut ilassutaattut, Savalimmiut aamma Kalaallit Nunaat eqqarsaatigalugit, nakkutilliineq aamma isumannaallisaaneq il.il. pillugit nunani allamiut pillugit eqqartuussisaatsitigut malittarisassat, qallunaani eqqartuussisaaseq malillugu isumannaallisaanermut aamma nakkutilliinermut malittarisassat il.il. assingusut assigissagaat qulakkerneqarpoq.

Taamaalilluni, peqqarniisaarniarnermik akiuineq, najugaqarallarsinnaanermut akuersissummiit ilaajunnaarsitsineq aamma arsaarinnissuteqarneq, pinerluttuliornermi naalagaaffimmiit anisitaaneq, ilaatigut nunani allamiut pillugit oqartussaasut aamma naalagaaffiup isertortumik paasiniaasartoqarfii aamma unnerluussisussaataitasut akornanni paasissutissanik avitseqatigiittarnerat pillugit malittarisassanik sukaterineq, kiisalu nunani allamiut unioqqutitsisumik naalagaaffimmut isertarnerat, najugaqarallartarnerat aamma sulisarnerat il.il. pillugit malittarisassanik sukaterineq, siunnersuummik innersuussutaavoq. Tamatumunnga atatillugu malittarisassat attuumassuteqartut suunerinik misissuineq, Ukrainemiit qiimaatitaasimasunut inunnut najugaqarallarsinnaanermut akuersissutaagallartoq pillugu inatsimmik Savalimmiunut atuutilersitsineq pillugu peqqussutikkut nr. 433, 8. april 2022-imeersukkut, Ukrainemiit qiimaatitaasimasunut inunnut najugaqarallarsinnaanermut akuersissutaagallartut pillugit inatsimmumut, Savalimmiullu eqqarsaatigalugit atuutilersinneqartumut, ilanngunnissaannut attuumassuteqartut takuneqartut, isumannaallisaanermut aamma nakkutilliinermut

malittarisassanik il.il. tungaveqartoq, erseqqissaatigineqarpoq. Inatsisissatut siunnersuummut nr. L 145, 14. marts 2022-imeersumut innersuussisoqarpoq.

## **Ilanngussaq 1**

### **Schengenimi suleqatigiinneq aamma ETIAS-imik, EES-imik aamma SIS-imik peqqussutit pillugit**

Schengenimi suleqatigiinnermi, sumiiffimmik, ilumini killeqarfeqanngitsumik, peqatigiiffigisassamik pilersitsinissaq siunertaavoq. Suleqatigiinnerup ilaatut, Schengenimi susassaqrarfiup iluani killeqarfanni peqatigiiffigisani inunnik nakkutilliineq, atorunnaarsitaavoq. Tamatuma illuatungaaticut ilaatigut Schengenimi susassaqrarfiup killeqarfiinik avallernik aqqusaarnermut, killeqarfinnillu akimuisunik pinerlunniarnernik aamma unioqqutitsisumik nunasiortornermik akiuiniaaneq pillugit suleqatigiinnermik pilersitsisoqarluni, peqatigiilluni malittarisassanik atuutilersitsisoqarpoq. Danmarki, Schengenimi suleqatigiinnermut ilaasut nunat allat assigalugit, Danmarkip killeqarfiinik avallernik sunniteqarluartumik nakkutilliinnermik ingerlataqassaaq.

Schengenimi suleqatigiinnermi Savalimmiut aamma Kalaallit Nunaat peqataangillat. Taamaalluni Schengenimi isumaqatigiissummut qallunaat ilannguffiginninnermik isumaqatigiisutaanni artikeli 5, imm. 1 malillugu, isumaqatigiissummi aalajangersakkat Savalimmiunut aamma Kalaallit Nunaannut atuutinngillat. Taamaakkaluartoq tamatumunnga peqatigalugu ilannguffiginninnermik isumaqatigiissummi artikeli 5, imm. 2-mi ersippoq, siullertut Savalimmiut aamma Kalaallit Nunaata, aappaattullu Schengenimi suleqatigiinnermi peqataasut nunat, akornanni angalanermi inunnik nakkutilliinnermik suliaqartoqartassanngitsoq. Ilannguffiginninnermut isumaqatigiissummi artikeli 6 malillugu, tamanna ilannguffiginninnermut isumaqatigiissummut akerliunngippat imaluunniit tamatumunnga atuinermik akornugusiinngippat, ilannguffiginninnermut isumaqatigiissummi aalajangersakkat, nunani avannarlerni pasunionip iluani suleqatigiinnermik akornusiinngillat. Taamaalluni, Savalimmiut aamma Kalaallit Nunaat aamma Danmarkip Schengenimi suleqatigiinnermut ilanngunnerata kingorna nunani avannarlerni pasunionimi sinaakkusersuutigineqartut, tassunga ilangullugit nunani avannarlerni peqatigiilluni killeqarfanni ilorlarni pasimik nakkutilliinerup atorunnaarsinneqarnera pillugu aamma nunani avannarlerni killeqarfanni avallerni nakkutilliinnermik pilersitsinissamik pisussaaffiup, iluanni aalajangersagaasumi, angalanermut aaqqissuussami ilaaginnarsinnaasut qulakkeerneqarpoq. Nunani avannarlerni pasunioni 1961-imi Savalimmiut ilaaterlugit allilerneqarpoq. Nunani avannarlerni pasunionimut Kalaallit Nunaat ilaatinneqanngilaq, kisianni, pasunionimi sinaakkusiarineqartut iluanni aalajangersagaasumi angalanermut aaqqissuussami peqataatinneqarluni.

Matumunnga atassuserlugu Schengenimi isumaqatigiissummut qallunaat ilannguffiginninnermut isumaqatigiisutaannut inerniliussami aalajangerneqarpoq, killeqarfanni avallerni nakkutilliineq sunniteqarluartuunissaa, kiisalu Schengenimi suleqatigiinnermi peqataangitsunut nunanut Savalimmiuni aamma Kalaallit Nunaanni

killeqarfinnik nakkutilliinermik aamma killeqarfinnik avallernik nakkutiginninnermik sunniuteqarluartumik suliaqarnermut malittarisassat, kiisalu taarsiissutitut iliuusissat pisariaqartut, tassunga ilanngullugu Schengenimi paasissutissanik aaqqissuussamik (SIS-imik) atuineq, atuutilersinneqarsimassasut aamma sunniuteqarluassasut ilannguffiginninnermut isumaqatigiisummik inaarinnermut piumasagaataassasoq. Taamaalilluni qallunaat ilannguffiginninnermik isumaqatigiisummut inerniliussami, Savalimmiuni aamma Kalaallit Nunaanni killeqarfinnik avallernik sunniuteqarluartumik nakkutilliinissamik aamma alapernaarsuinnermik suliaqarnissamut Danmarki imminut pisussaaffilerpoq. Taamatulli inerniliussami ersippoq, Savalimmiuni aamma Kalaallit Nunaanni killeqarfinnik avallernik sunniuteqarluartumik nakkutilliinissamik suliaqarnermut atugassanik SIS-imi paasissutissanik takunnissinnaasoqassasoq. Savalimmiunut aamma Kalaallit Nunaannut naleqqiullugu Schengenimi malittarisassat pillugit atortutigut piumasagaatinik immikkoortitigaanerusunik inerniliussami saqqummiussisoqanngilaq.

Ukiuni kingulliunerusuni Schengenimi suleqatigiinnermut aamma killeqarfinnik nakkutilliinermut annertuumik pingaarutilinnik, aamma EU-mi killeqarfinnik akimuisumik pinerlunniarnernut akiuiniarnermut ikorfaqqusersuutitut EU-mi peqqussutinik arlalinnik atortussanngortitsisoqarpoq. Ilaatigut tulliuttut peqqussutit pineqarput:

- Angalanissamut paasissutissat aamma angalanissamut akuersissut pillugu europamiut aaqqissuussaannik pilersitsineq pillugu aamma peqqusummik (EU) nr. 1077/2011, (EU) nr. 515/2014, (EU) nr. 2016/399, (EU) nr. 2016/1624 aamma (EU) nr. 2017/2226 (**ETIAS-imik peqqusummik**) allannguneq pillugu peqqussut (EU) 2018/1240
- Naalagaaffimmut angalalluni isernermi aamma aninermi aaqqissuussamik atuineq eqqarsaatigalugu, (EU) 2016/399-imik (Schengenimi killeqarfinnut inatsiseqatigiinnermut) peqqusummik allannguneq pillugu, (EU) 2017/2225, 30. november 2017-imeersoq peqqussut
- Naalagaaffimmut angalalluni isernermi aamma aninermi paasissutissanik nalunaarsuinnermut naalagaaffimmut angalalluni isernermi aamma aninermi aaqqissuussamik pilersitsineq aamma nunat peqatigiit avataanniittuni innuttaasut, nunat ilaasortaasut killeqarfiinik avallernik aqqusaarsisut, naalagaaffimmut angalallutik isernissaat pillugit itigartitsineq pillugu paasissutissat, pillugit, inatsisinik atuutsisinissamik siunertamut, naalagaaffimmut angalalluni isernermi aamma aninermi aaqqissuussamik misissuisinnaanermut piumasagaatinik aalajangersaaneq pillugu aamma Schengenimi isumaqatigiisummik inaarineq pillugu isumaqatigiisummik aamma (EF) nr. 767/2008-mik aamma (EU) nr. 1077/2011-imik peqqusummik

allanngueq pillugu, (EU) 2017/2226-imik peqqussut (**EES-imik peqqussut**)

- Unioqqutitsillutik najugaqarallartunik nunat peqatigiit avataanniittuni innuttaasunik utertitsilluni aallartitsiarnermut atatillugu Schengenimi paasissutissanik aaqqissuussamik atuineq pillugu (EU) 2018/1860, naalagaaffimmut angalalluni isernermik aamma aninermik nakkutilliinermik susassaqarfimmi Schengenimi paasissutissanik aaqqissuussamik (SIS-imik) pilersitsineq, ingerlatsineq aamma atuineq pillugit (EU) 2018/1861-imik, Schengenimi isumaqatigiisumik inaarineq pillugu isumaqatigiisummik allanngueq pillugu aamma (EF) nr. 1987/2006-imik peqqussummik allanngueq aamma atorunnaarsitsineq pillugu, aamma politiini suleqatigiinnermik aamma pinerluutillit suliarineqartarnerannik suleqatigiinnerannik susassaqarfimmi Schengenimi paasissutissanik aaqqissuussamik (SIS-imik) pilersitsineq, ingerlatsineq aamma atuineq pillugit (EU) 2018/1862-imik, Rådip aalajangiineranik 2007/533/RIA-mik allanngueq aamma atorunnaarsitsineq pillugit, aamma Europa-Parlamentip aamma Rådip peqqussutaanik (EF) nr. 1986/2006-imik atorunnaarsitsineq pillugu, aamma Kommissionip aalajangiinera 2010/261/EU-mik, peqqussutit (**SIS-imik peqqussutit**)

Peqqussutit, inatsisini aamma naalagaaffiup iluani, pissutsit pillugit qallunaat tunuarsimaarfigigallagaannut (inatsisitigut tunuarsimaarfigigallakkanut) ilaatinneqarput. Peqqussutit Schengenimi malittarisassanik annertusaataammata, qallunaat naalakkersuisui, Danmarki sinnerlugu peqqussutinut ilannguffiginnipput, taamaalillunilu Danmarkip nunallu ilaasortaasut allat aamma nunat Schengenimik suleqateqarumasut, peqqussutitigut pituttugaasut akornanni, naalagaaffiit akornanni pisussaaffimmik pilersitsillutik.

Peqqussutit sukumiinerusumik nassuiarneqarnerannut ilanngussa q 1a-miit 1c-mut innersuussisoqarpoq.



## ***Ilanngussaq 1a***

### **ETIAS-imik peqqussut**

Europa-Parlamentip aamma Rådip, ulloq 12. september 2018, angalanissamut paasissutissat aamma angalanissamut akuersissutit pillugit europamiut aqqissuussaannik pilersitsinissaq pillugu (EU) 2018/1240-imik peqqussut (ETIAS-i), aamma (EU) nr. 1077/2011, (EU) nr. 515/2014, (EU) nr. 2016/399, (EU) nr. 2016/1624 aamma (EU) nr. 2017/2226-imik peqqussutinik allanngineq pillugu peqqussut (*ETIAS-imik peqqussut*) atortussanngortippaat. ETIAS isumaqarpoq (European Travel Information and Authorisation System) Europami Angalaneq pillugu Paasissutissat aamma Akuersissuteqartarneq pillugu Aqqissuussaq. Pilersaarut malillugu november 2023-imi ETIAS-i atuutilersinneqassaaq.

Inuit peqqissusaat illersorniarlugu, unioqqutitsisumik nunasiortorneq pitsaaliorniarlugu, Schengenimi susassaqrifiup iluani isumannaallisaanermut killigititap qaffasissuunissaanik qulakkeerinissaq siunertaralugu aamma inuit, ulorianartorsiortitsisinnaasut Schengenimi susassaqrifimmut isinnginnerini, kinaassusersiniarlugit killeqarfinni kinguaattoornerit annikillisinniarlugit, killeqarfinnik avallernik aqquasaarsinerminni visumeqartariaqanngitsunut nunat peqatigiit avataanniittuni innuttaasunut angalanissamut paasissutissat aamma angalanissamut akuersissutit pillugit, ETIAS-imik peqqussutikkut europamiunut aqqissuussaliortoqarpoq. Nunat peqatigiit avataanniittuni innuttaasut, visumeqartariaqanngitsut, Schengenimi susassaqrifiup iluani killeqarfinnut avallernut suliluunniit isinnginnerminni Schengenimi susassaqrifimmut angalallutik isernissamut piumasagaatinik naammassinninersut naliliisarnissamut ETIAS-i atorineqassaaq.

Angalanissamut akuersissummut qinnuteqaat tunngavigalugu pissarsiarineqartassaaq, aamma qinnuteqartoq pillugu paasissutissat, taassuma suliarineqarnerani, nunat ilaasortaasut iluanni pineqartup najugaqarallarnermini, isumannaallisaanermut ulorianaataanersoq imaluunniit unioqqutitsisumik nunasinissaa imaluunniit nappaalanermik tunillaassuutsitsinissaanut annertuumik ulorianartorsiortitsisinnaanera pillugu aalajangiiffiginissaa siunertaralugu, ilaatigut europamiut qarasaasiakkut aqqissuussaataanni arlalinni, assersuutigalugu SIS-imi, VIS-imi aamma naalagaaffimmut angalalluni isernermi aamma aninermi aqqissuussaami (EES-imi) qularnaarniarlugu misissuiffigineqassaaq. Taamaalilluni inuup, nunat ilaasortaasut killeqarfiisa iluanniinnera taamatut ulorianaataaneranik, pissutsinik piviusunik imaluunniit naammaginatunik tunngavissanik ersersitsinnginneranik, angalanissamut akuersissut siumungaaq nalunaarutaavoq. Killeqarfinni nakkutilliinermut oqartussaasut (tassaasut Savalimmiuni politiit aamma Kalaallit Nunaanni politiit), piffissami naalagaaffimmut angalalluni isernermi, naalagaaffimmut angalalluni isersinnaanissamut piumasagaatit naammassineqarsimanersut naliliisartuunnassapput, taamaattumillu angalanissamut akuersissut atuutilersitaasoq, nunat peqatigiit avataanniittuni innuttaasup Schengenimi susassaqrifiup iluanut angalalluni qularnaatsumik isersinnaanissaanut inaarutaasumik nalunaarutaanani. Qinnuteqartoq qinnuteqarnernut

ataatsiakkaanut tamanut 7 euronik akitsuummik akiliisassaaq. Aallaavitigut angalanissamut akuersissut ukiunut pingasunut atuuttassaaq.

Nunat ilaasortaasut immikkut tamarmik oqartussaasunik piginnaasalinnik nuna tamakkerlugu ETIAS-imik suleqatigiissitaliamik toqqaassapput. Qallunaat nuna tamakkerlugu ETIAS-imik suleqatigiissitaliatut udlændingestyrelseni toqqaavaoq, suleqatigiissitatullu ilaatigut, pisuni imaattuni, qinnuteqartumik isumamineertumik suliaqarnermi pasinartorsisoqartillugu, angalanissamut akuersissut pillugu qinnuteqaatinik misissuisarnissaq aamma aalajangiisarnissaq akisussaaffigissallugu.

Silaannakkut aamma imaatigut assartuineramik suliffeqarfiit, nunat peqatigiit avataanniittuni innuttaasoq, angalanissamut akuersissut pillugu piumasagaammut ilaatinneqartoq, angalanissamut akuersissuummik atuuttumik peqarnersoq imaluunniit peqannginnersoq misissuiffigalugu qulakkeerumallugu ETIAS-imik paasissutissanut aaqqissuussamut apeqquteqaammik nassiussisassapput. Nunat peqatigiit avataanniittuni innuttaasoq naalagaaffimmut isernissamut itigartinneqarpat, nunat peqatigiit avataanniittuni innuttaasunik silaannakkut imaluunniit imaatigut (imaluunniit nunakkut) killeqarfinnut avallernut apuussaqaarsimasut, assartuineramik suliffeqarfiit immikkut tamarmik, pineqartut pillugit akisussaaffimmik ingerlaannaq tiguseqqissallutik pisussaaffeqarput. Pisussaaffimminnik sumiginnaasoqartillugu assartuineramik suliffeqarfinnut pillaatit pillugit, peqqussut sukumiinerusunik aalajangersakkanik imaqarpoq.

Nr. L 185, 4. marts 2021-imeersumi inatsisissatut siunnersuummi immikkoortumut 3.1.2-mut aamma innersuussisoqarpoq.

## ***Ilanngussaq 1b***

### **EES-imik peqqussut**

Naalagaaffimmut angalalluni isernermut aamma aninermut paasissutissanik nalunaarsuinermit naalagaaffimmut angalalluni isernermi aamma aninermi aqqissuussamik pilersitsineq aamma nunat ilaasortaasut killeqarfiinik avallernik aqqusaarsisut, nunat peqatigiit avataanniittuni innuttaasut pillugit naalagaaffimmut isernissamut itigartitsineq pillugu paasissutissat pillugit, inatsisinik atuutsitsinissamut siunertamut naalagaaffimmut angalalluni isernermi aamma aninermi aqqissuussami misissuisinnaanissamut piumasqaatinik aalajangersaaneq pillugu aamma isumaqatigiisummik Schengenimi isumaqatigiisummik inaarineq pillugu aamma (EF) nr. 767/2008 aamma (EU) nr. 1077/2011-imik peqqussutinik allannguineq pillugu (EU) nr. 2017/2226-imik peqqussut ulloq 30. november 2017-imeersoq Europa-Parlamentip aamma Rådip atortussanngortippaat (*EES-imik peqqussut*). EES isumaqarpoq Entry/Exit System (isumaqartoq naalagaaffimmut angalalluni isernermi aamma aninermi aqqissuussaq). Pilersaarutit malillugit maj 2023-mi EES-imik ingerlatsisoqalissaaq.

Killeqarfinni nakkutilliinerup pitsaassusaanik aamma sunniuteqarluartuunissaanik pitsanngorsaanaasaq siunertaralugu, aamma nunat ilaasortaasut killeqarfiisa iluanni akuerisaasumik najugaqarallarsinnaaneq pillugu aalajangersakkanik eqqortitsinermik nakkutilliiniarluni, nunat peqatigiit avataanniittuni innuttaasunik kinaassusersinnissinnaanermut tapersiuteqarniarluni, kinaassutsinik atornerluiniarnermik aamma angalanissamut uppernarsaatinik atornerluiniarnermut akiuiniarluni aamma peqqarniisaarniarnermut aamma iliutsinik pillaatissiissutaasartunik sakkortuunik allanik, pitsaaliuinermit, qulaajaaniarnermut aamma misissueqqissaarinermit tapersiiniarluni, sivikitsuinnarmik najugaqarallarnermut akuersissutaatillit nunat peqatigiit avataanniittuni innuttaasut naalagaaffimmut isernermi aamma aninermi angalanermut uppernarsaatinik pigisaannik naqitsisarnermit taarsiutitut, naalagaaffimmut angalalluni isernermi aamma aninermi aqqissuussamut, naalagaaffimmut angalalluni isernermik aamma aninermik qarasaasiamut nalunaarsuinermik EES-imik peqqussutikkut naalagaaffimmut angalalluni isernermi aamma aninermi aqqissuussamik pilersitsisoqarpoq.

Naalagaaffimmut angalalluni isernermut aamma aninermut aqqissuussaq, naalagaaffimmut angalalluni isernerit aamma aninerit aamma akuerisaasumik najugaqarallarneq pillugit pasinik naqitsisarnermit paasissutissanut taarsiutitut aamma nunat peqatigiit avataanniittuni innuttaasut siusinnerusukkut angalallutik isersimaneq aamma anisimaneq pillugit, tassunga ilanngullugit inuit misissuiffigeqqissaagaasut pasisaasut pillugit, paasissutissanik tunniussisartumik killeqarfinni nakkutilliinermit eqqoqqissaartunik, sukkasuumik aamma tatiginartunik paasissutissanik qulakkeerutaassaaq, aamma piffissami najugaqarallarsinnaatitaanerminnik akuerisaasumik qaangiisimasut inuit pillugit eqqoqqissaartunik paasissutissanik tunniussisassalluni. Naalagaaffimmut angalalluni isernermut aamma aninermut aqqissuussaq, tamatuma saniatigut Schengenimi susasaqarfiup iluani naammattoorneqartunik, inuup sannai pissusaalu assigiinngitsut atorlugit paasissutissanik atuinikkut, unioqquitsisumik

nunasiortortunik kinassusersinninnissamut pitsanngorsaataassaaq, peqqarniisaarnianik, pinerluttunik, pasisanik aamma eqqugaasunik kinassusersinninniarnermut tapersiissaaq, aamma nunat peqatigiit avataanni innuttaasunut isumamineertunik killeqarfinni nakkutilliivinnik atuutilersitsinissamik periarfissamik pilersitsissalluni. Naalagaaffimmut angalalluni isernermut aamma aninermut aqqissuussaq killeqarfinni paarsisut angalalluni isernissamut itigartitsinerit pillugit paasissutissannik nutartikkanik peqarnissaannik aamma angalasut akuerisaasumik najugaqarallarnerminnut sivisussuseq pillugu paasissutissannik nutartigaasunik pisinnaasarnissaannik aamma qulakkeerissaaq.

Naalagaaffimmut angalalluni isernermut aamma aninermut aqqissuussamik atuutilersitsineq isumaqarpoq, inunnik killeqarfinnik avallernik aqqusaarsisunik nakkutilliinermut periaatsinik tulluarsaasariaqarneq pisariaqartoq. Siunertamut tamatumunnga aamma Europa-Parlamenti aamma Rådi, naalagaaffimmut angalalluni isernermut aamma aninermut aqqissuussamik atuneq eqqarsaatigalugu inunnut killeqarfinnik aqqusaarsisunut EU-mi inatsiseqatigiinneq pillugu (EU) nr. 2016/399, 9. marts 2016-imeersumik peqqussummik (Schengenimi nunanut killeqarfiit pillugit inatsiseqatigiinneq (Schengengrænsekodeks)) allanngineq pillugu, (EU) nr. 2017/2225, 30. november 2017-imeersumik peqqussummik atortussanngortitsipput.

Nr. L 185, 4. marts 2021-imeersumi inatsisissatut siunnersuummi immikkoortumut 3.2.2-mut aamma innersuussisoqarpoq.

## ***Ilanngussaq 1c***

### **SIS-imik peqqussutit**

Europa-Parlamenti aamma Rådi, ulloq 28. november 2018, unioqutitsisumik najugaqarallartunik nunat peqatigiit avataanniittuni innuttaasunik utertillugit aallartitsisarnermut atatillugu (SIS-imik utertitsilluni aallartitsisarnermut peqqussut) Schengenimi paasissutissanik aqqissuussamik atuineq pillugu (EU) 2018/1860-imik, naalagaaffimmut angalalluni isernermi aamma aninermi nakkutilliinermik susassaqarfimmi, Schengenimi paasissutissanik aqqissuussamik (SIS-imik) pilersitsineq, ingerlatsineq aamma atuineq pillugit (EU) 2018/1861-imik, Schengenimi isumaqatigiisummik inaarineq pillugu isumaqatigiisummik allannguneq pillugu aamma (EF) nr. 1987/2006-imik (*SIS-imik killeqarfinnik aqutsisoqarnermik peqqussummik*) allannguneq aamma atorunnaarsitsineq pillugu politiini suleqatigiinnermik aamma pinerluttunik suliaqartarnermik suleqatigiinnermik susassaqarfimmi, Schengenimi paasissutissanik aqqissuussamik (SIS-imik) pilersitsineq, ingerlatsineq aamma atuineq pillugit (EU) 2018/1862-imik, Rådip aalajangigaanik 2007/533/RIA-mik allannguneq aamma atorunnaarsitsineq pillugu aamma Europa-Parlamentip og Rådip peqqussutaanik (EF) nr. 1986/2006-imik aamma Kommissionip aalajangigaanik 2010/261/EU-mik atorunnaarsitsineq pillugu (*SIS-imik inatsisinik atuutsitsinermik peqqussut*), peqqussutinik atortussanngortitsipput. SIS-imik peqqussutit 2023-ip aallartinnerani atuutilersinneqarnissaat naatsorsuutaavoq.

Schengenimi paasissutissanik aqqissuussa (SIS-i), peqatigiilluni paasissutissanik aqqissuussaavoq, Schengenimi suleqatigiinnerup ilaatut pilersitaalluni. EU-mi aamma Schengenimi nunanik suleqateqartut nunasiortortut, politiit, akitsuuserisut aamma eqqartuussivinni oqartussaasut qarasaasiami inuit aamma pigisat pillugit nalunaarutit pillugit paasissutissani atuaanissamut aamma misissuinissamut SIS-i periarfissiivoq.

SIS-imik atuinerup sunniuteqarluarsarnissaa aamma annertusarnissaa, SIS-imik peqqussutini siunertaavoq, taamaalillunilu isumannaallisaanermut aamma nunasiortortunik unamminiagassanik akorsilluarnissamut periarfissanut pitsanngorsaataassalluni. Peqqussutit atorlugit, SIS-imut ikkunneqarsinnaasunik nalunaarusioriaatsinik arlalinnik ilanngussisoqarpoq. Ilaatigut, aggerfimmot utertitsilluni aallartitsisarnermik aalajangiinerit pillugit, meeqqat angajoqqaamit aallarunneqarnissamut ulorianartorsiortut pillugit pitsaaliuinermik pillugit nalunaarutit, kiisalu pinerluttut pisuusut ilisimaneqanngitsut inuaasa imaluunniit itumaasa tamakkiisumik imaluunniit ilaannakortumik ipaasaat, pinerlunnermut ilungersunartumut pinerluffimmi misissueqqissaarnerup nalaani nasarineqarsimasut pillugit nalunaarutit pineqarput. Taamatutaaq SIS-imi naalagaaffimmut angalalluni isernissamut inerteqqutinik nalunaarutiginnittarnissaq pinngitsuugassaanngitsunngortinneqarpoq, aamma SIS-imut qarasaasiami paasissutissat assigiinngitsut arlallit, tassunga ilanngullugit itummat ipaasaasa assilinerisa, kiinnamik assit aamma SIS-imi inatsisinik atuutsitsinermut peqqussut eqqarsaatigalugu, inuup sananeqaataata DNA-p ilusaata, immiunneqarsinnaanerat ammaanneqarluni. Kingullertut oqartussa qarfiit amerlanerusut SIS-imi misissuisinnaatitaasut.

Nr. L 185, 4. marts 2021-imeersumi inatsisissatut siunnersuummi  
immikkoortumut 3.3.2-mut aamma innersuussisoqarpoq.

## ***Ilanngussaq 1d***

### **Schengenimi killeqarfinnut inatsiseqaqatigiinneq**

Inuit killeqarfinnik aqqusaarsisarnerannut peqatigiilluni inatsiseqaqatigiinneq pillugu (EU) 2016/399-mik peqqussut, ulloq 9. marts 2016 Europa-Parlamentip aamma Rådip atortussanngortippaat (*Schengenimi killeqarfinnut inatsiseqaqatigiinneq*) (inatsiseqaqatigiissutinik aaqqissuussinerullunilu atuutilersitsineq).

Inuit killeqarfinnik aqqusaarsisarnerat pillugu naligiissaanissaq, iluorsaassinissaq malittarisassanillu ataatsimoortitsinissaq, Schengenimi inatsiseqaqatigiinnermik siunertaavoq. Killeqarfinnik avallernik aqqusaarsisunik inunnik killeqarfinni nakkutilliinissamut inatsiseqaqatigiinnermi malittarisassat aalajangersarneqassapput, soorluttaaq nunat ilaasortaasut akornanni killeqarfiit ilorliusut aqqusaarnerini inuit misissuiffigineqartannginnissaannik qulakkeerinissaq siunertaralugu inatsiseqaqatigiinneq aalajangersakkanik imaqartoq. Inatsiseqaqatigiinnermi, ilaatigut naalagaaffimmut angalalluni isernermi aamma aninermi inunnik nakkutilliinermut malittarisassat, kiisalu pisuni immikkut ittuni killeqarfinnik nakkutilliinerugallarnernik atuutilersitseqqinnissamut malittarisassat aalajangersarneqarput.

Schengenimi killeqarfinnut inatsiseqaqatigiinnermi malittarisassat, Schengenimi isumaqatigiissummi malittarisassat assigaat, aamma Schengenimi killeqarfinnut inatsiseqaqatigiinneq aallaqqaataanili qallunaat inatsiseqarnerannut, nunani allamiut pillugu inatsimmik aamma katinneq aamma avinneq pillugit inatsimmik allanngueq pillugu inatsisikkut nr. 301, 19. april 2006-imeersukkut (Ikiuniarnertut najugaqarallarnissamik akuersissut pillugu sulianni qinnuteqaammik siuartitsisarneq, perorsaqqitassatut aallartitaasarneq pillugu pasitsaassisoqartillugu nalunaartussaataaneq, inunmut meeqqanik aallarussisimasutut eqqartuussaasimasunut ilaqutaanut kattutsitsinissamut periarfissamik killiliineq, ilinniartitaaneq pillugu maleruagassat allanngukkat aamma inersimasunik nunamut qimaasutut isernissamik qinnuteqartunik sulisinnaanngorsaaneq il.il), ilanngunneqarluni.

Inuit killeqarfinnik aqqusaarsisarnerannut EU-mi inatsiseqaqatigiinneq pillugu 9. marts 2016-imeersoq (EU) 2016/399-mik peqqussut naapertorlugu, *Schengenimi killeqarfinnut inatsiseqaqatigiinnermik* inatsiseqaqatigiissutinik aaqqissuussinerullunilu atuutilersitsineq ulloq 9. marts 2016 Europa-Parlamentip aamma Rådip atortussanngortippaat (*Schengenimi killeqarfinnut inatsiseqaqatigiinneq*) (inatsiseqaqatigiissutinik aaqqissuussinerullunilu atuutilersitsineq).

Nr. L 94, 30. november 2005-imeersumi inatsisissatut siunnersuummi immikkoortumut 10-mut aamma innersuussisoqarpoq.

## ***Ilanngussaq 1e***

### **VIS-imik peqqussut**

Visumit pillugit paasissutissanut aaqqissuussaq (VIS) aamma sivikitsumik najugaqarallarnissamut visat (visumit) pillugit nunat ilaasortaasut akornanni avitseqatigiittarneq pillugu (EF) 2008/767-imik peqqussut (VIS-imik peqqussut), ulloq 9. juli 2008 Europa-Parlamentip aamma Rådip atortussanngortippaat.

Visumit pillugit qinnuteqaatit aamma aalajangiinerit pillugit Schengenimi susassa qarfiup iluani nunat ilaasortaasut akunnerminni paasissutissanik avitseqatigiittarnerup oqilisarneratigut peqatigiilluni visuminut politikimik aamma aallartitaqarnikkut suleqatigiinnermik inaarinnissamik pitsanngorsaanissaq VIS-imik pingaarnertut siunertaavoq.

VIS (Visumit pillugit paasissutissanut aaqqissuussaq) siullertut, visumimik qinnuteqarnermut periaatsinik pisariillisaataassaaq, illuatungaatigullu siusinnerusukkut pineqartumiit qinnuteqaammik aamma siusinnerusukkut visumimik itigartitsisimanerusinnaasumut, arsaarinnissuteqaataasinnaasumulluunniit il.il. tunulequtaasunik nuna ilaasortaasooq nalunaarsugaqarnersoq, visumimik qinnuteqaammik tigusinnermut atatillugu visuminut oqartussaasunit, misissuiffiqineqarsinnaaneratik, nunat allat aqutigalugit piiminanaarsinikkut visumimik pissarsiortarnermik pitsaaliuissalluni.

Taamatuttaaq peqquserlunnernik akiuiniassalluni, killeqarfinnilu avallerni nakkutilliinermik, kiisalu nunat ilaasortaasut iluanni nakkutilliinermik, oqilisaassissalluni VIS-imi siunertaavoq. VIS-imik peqqussut malillugu visumimik qinnuteqartut pillugit paasissutissanik, tassunga ilanngullugit taakkua inuaasa ipaasaannik aamma inuttut assilinerinik, immiussisoqartassaaq. Tamatumuuna inuup kinaassusaanik aalajangiussinissamut periarfissat pitsanngorsarneqassapput aamma, ima pisoqartillugu visumi pillugu qinnuteqartumiit inummiit allaanerusumiit visumimik pineqartumik atuinikkut Schengenimi susassa qarfirmut angalalluni iseriaraluartoqartillugu, allakkianik uppernarsaatinik salloqittaatinik atuiniartarneq akiorniarsinnaassallugu.

Ilanngullugu najugaqarallarnissamut akuerisaajunnaarsimasunik nunani allamiunik taamaattunik aallartitsinissaq siunertaralugu visumimik naalagaaffimmut angalallutik isertut, nunani allamiunik kinaassusersinnissinnaanerup piuminarsarnissaa VIS-imik siunertaavoq.

Nr. L 105, 12. marts 2008-meersumi inatsisissatut siunnersuummi immikkoortumut 2.1-imut aamma innersuussisoqarpoq.



## ***Ilanngussaq 1f***

### **Visumimik inatsiseqaqatigiinneq**

Visanut (Visumimut) peqatigiilluni inatsiseqaqatigiissut (*visuminut inatsiseqaqatigiissut*) pillugu (EF) 2009/810-imik peqqussut (VIS-imik peqqussut), ulloq 13. juli 2009 Europa-Parlamentip aamma Rådip atortussanngortippaat.

Visuminik inatsiseqaqatiginnermi visanik atuutilersitsinermut piumasaaqatit aamma periaatsit pillugit ataatsimut tamanik isiginninnermik aamma susassaqaarfimmi malittarisassat atuuttut ataqatigiinnerannik annertusaanissaq siunertaralugu, peqqussutikkut, Schengenimi malittarisassat aamma eqqartuussivinni atortussanngortitat atuuttooreersut katersorneqarput. Tamatuma saniatigut, visuminik qinnuteqaatinut itigartitsinernut tunngavilersuisussaataaneq pillugu malittarisassanik aalajangersaanikkut, visuminik atuutilersitsisarnernut periaatsinik tulluarsaanissaq siunertaralugu iliuusissanik atuutilersitsineq kiisalu sullissinermut piffissamik sivisunerpaaffiliinermik atuutilersitsineq taamaaliornikkullu visumit pillugit Schengenimi malittarisassanik atuinermik assigiissaarineruneq qulakkeerumallugu, periaatsitigut qularnaveeqqutit peqqussummik pitsanngorsarneqarput.

Nr. L 3, 7. oktober 2009-meersumi inatsisissatut siunnersuummi immikkoortumut 2-mut aamma innersuussisoqarpoq.